

# **Nalog supervizora kojim se određenim privatnim zaštitarskim agencijama zabranjuje rad u Brčko Distriktu Bosne i Hercegovine**

**Sukladno**ovlastima koje su mi date stavcima 8, 10, 11, 13, 36 i 37 Konačne odluke za Brčko od 05. ožujka 1999. godine koju je donio Arbitražni tribunal za spor oko međuentitetske linije razgraničenja u oblasti Brčkog (“Tribunal za Brčko”);

**Nadalje sukladno**ovlastima supervizora koje su mu date stavkom 24 Dopunske odluke Tribunala za Brčko od 15. ožujka 1998. godine u kome se u relevantnom dijelu kaže da “supervizor ... u oblasti Brčko ima ovlasti jednake onima koje su, prema Bonskoj konferenciji od prosinca 1997. godine, date visokom predstavniku...”;

**Imajući u vidu** relevantne odredbe stavaka 40, 41 i 42 Konačne odluke za Brčko od 05. ožujka 1999. godine koju je donio Arbitražni tribunal za spor oko međuentitetske linije razgraničenja u oblasti Brčkog kao i članka 7 Statuta Brčko Distrikta Bosne i Hercegovine;

**Podsećajući** da je na sastanku održanom 26. ožujka 2009. godine Upravni odbor Vijeća za implementaciju mira “osudio aktivnosti i izjave aktera u BiH koje predstavljaju prijetnju osoblju OHR-a, osporavaju autoritet visokog predstavnika i Upravnog odbora Vijeća za implementaciju mira, te se prezrivo odnose prema obvezama strana sukladno Aneksu 10 Općeg okvirnog sporazuma za mir i odlukama visokog predstavnika. Ove vrste aktivnosti izraz su otvorenog nepoštivanja osnovnih principa Općeg okvirnog sporazuma za mir, direktno utiču na političku

situaciju, neprihvatljive su i moraju prestati"; i da

**Bez obzira na** gorepomenutu deklaraciju, nepobitne informacije od međunarodnih obavještajnih izvora koje su predočene supervizoru upućuju na to daAlphaSecurityd.o.o. BanjaLuka ("AlphaSecurity"), privatna agencija za obavljanje zaštitarskih poslova čije se sjedište nalazi na području Banja Luke, sprovodi neprijateljsku ličnu i tehničku prizmotru i istrage protiv osoblja OHR-a i Ureda za implementaciju Konačne odluke za Brčko, kao i prvog zamjenika visokog predstavnika i supervizora za Brčko Distrikta i da takvaprismotraistragespadaju u kategoriju nezakonitih obavještajnih i protuobavještajnih aktivnosti;

**Izražavajući zabrinutost** zbog toga što su mnoge osobe koje su zaposlene u Alpha Security-ju i koje vode tu agenciju nekadabilepripadnici 410. vojnoobavještajnogcentrabivšeVojiskeRepublikeSrpske, jedinicekojaje 2003. godine bilapredmet akcije Stabilizacijskih snaga predvođenih NATO-om i koju je tadašnji predsjednik Republike Srpske rasformirao zbog informacija do kojih se došlo u vezi sa nezakonitim radom te jedinice, što je uključivalo zaštitu osoba koje je Međunarodni krivični tribunal za bivšu Jugoslaviju optužio za ratne zločine, kao i zbog špijunaže protiv međunarodne zajednice i domaćih političara i zbog toga što se u suštini Alpha Security može u velikoj mjeri smatrati obnovljenim 410. vojnoobavještajnim centrom;

**Ističući** da takva aktivnost Alpha Security-ja očigledno i u potpunosti predstavlja kršenje Općeg okvirnog sporazuma za mir, naročito njegovog Aneksa 10, koje ne može biti tolerirano, kao i kršenje Odluke od 14. veljače 1997. godine, Dopunske odluke od 15. ožujka 1998. godine i Konačne odluke od 05. ožujka 1999. godine koju je donio Arbitražni tribunal za spor oko međuentitetske linije razgraničenja u oblasti Brčkog

**Nadalje imajući u vidu** da gorepomenute nezakonite obavještajne

i protuobavještajne aktivnosti takođe predstavljaju očito kršenje Zakona o agencijama za obezbjeđenje lica i imovine i privatnoj detektivskoj djelatnosti Brčko Distrikta koji je objavljen u Službenom glasniku Brčko Distrikta Bosne i Hercegovine br. 27/04, 15/05 i 37/05 ("Zakon o agencijama za obavljanje zaštitarskih poslova"), u kome se u članku 3 navodi da je "agencijama koje imaju odobrenje za obavljanje poslova zaštite osoba i imovine i/ili detektivskih poslova predviđenih ovim zakonom, zabranjeno obavljanje tih poslova za obrambene, sigurnosne, obavještajne i protuobavještajne službe";

***Imajući u vidu*** da Alpha Security nije upisana ni u Sudu Brčko Distrikta ni u Policiji Brčko Distrikta za obavljanje bilo kojih poslova koji su opisani u Zakonu o agencijama za obavljanje zaštitarskih poslova;

***Nadalje imajući u vidu*** da je Centurion d.o.o. iz Bijeljine ("Centurion Security"), tvrtka koja je upisana u Osnovnom sudu Brčko Distrikta i posjeduje odobrenje koje je izdala Policija Brčko Distrikta za obavljanje poslova koji su dopušteni sukladno Zakonu o agencijama za obavljanje zaštitarskih poslova, povezana sa Alpha Security-jem, što predstavlja razlog za postojanje bojazni u pogledu djelovanja Centurion Security-ja u Brčko Distriktu;

***Imajući još u vidu*** da su Security Wolf sa Pala ("Wolf Security") i Mega Security iz Doboja ("Mega Security") također povezane sa Alpha Security-jem i da te veze predstavljaju razlog za postojanje bojazni u pogledu djelovanja bilo koje od te dvije tvrtke u Brčko Distriktu kao opunomoćenika ili produžene ruke Alpha Security-ja;

***Izražavajući riješenost*** da takve neprijateljske, opasne i nezakonite aktivnosti moraju odmah prestati i da daljnje postojanje i širenje neposredne opasnosti koju Alpha Security predstavlja po Opći okvirni sporazum za mir, OHR i osoblje Ureda za sprovođenje Konačne odluke za Brčko, kao i za vladavinu prava u Brčko Distriktu mora na svaki način biti

onemogućeno;

Stoga nalažem sljedeće:

1. Alpha Security-ju d.o.o. Banja Luka i svom njenom osoblju koje radi na poslovima zaštite, ostalim zaposlenicima i/ili drugim fizičkim ili pravnim licima koja su zaposlena ili koja su na drugi način u ugovornom odnosu sa Alpha Security-jem se ovim putem na period od pet (5) godina zabranjuje obavljanje bilo kakvih zaštitarskih poslova u Brčko Distriktu, uključujući ali ne ograničavajući se na sve one poslove koji su obuhvaćeni Zakonom o agencijama za obavljanje zaštitarskih poslova. Ova zabrana se također odnosi na svaku tvrtku koja nastane ili proistekne iz Alpha Security-ja, između ostalog promjenom imena ili promjenom upisa zvaničnih vlasnika ili mjesto upisa vlasništva.

2. Security Wolf-u sa Pala, čiji je upisani vlasnik Cemeks d.o.o. iz Rogatice, koja je upisana u Osnovnom sudu u Sokocu, svom njenom osoblju koje radi na poslovima zaštite, ostalim zaposlenicima i/ili drugim fizičkim ili pravnim licima koja su zaposlena ili koja su na drugi način u ugovornom odnosu sa Security Wolf-om se ovim putem na period od pet (5) godina zabranjuje obavljanje bilo kakvih zaštitarskih poslova u Brčko Distriktu, uključujući ali ne ograničavajući se na sve one poslove koji su obuhvaćeni Zakonom o agencijama za obavljanje zaštitarskih poslova. Ova zabrana se također odnosi na svaku tvrtku koja nastane ili proistekne iz Security Wolf-a, između ostalog promjenom imena ili promjenom upisa zvaničnih vlasnika ili mjestom upisa vlasništva.

3. Mega Security-ju d.o.o. iz Doboja i svom njenom osoblju koje radi na poslovima zaštite, ostalim zaposlenicima i/ili drugim fizičkim ili pravnim licima koja su zaposlena ili koja su na drugi način u ugovornom odnosu sa Mega Security-jem se ovim putem na period od pet (5) godina zabranjuje obavljanje bilo kakvih zaštitarskih poslova u Brčko Distriktu, uključujući ali ne ograničavajući se na sve one poslove koji

su obuhvaćeni Zakonom o agencijama za obavljanje zaštitarskih poslova. Ova zabrana se također odnosi na svaku tvrtku koja nastane ili proistekne iz Mega Security-ja, između ostalog promjenom imena ili promjenom upisa zvaničnih vlasnika ili mjestom upisa vlasništva.

4. Centurion-u d.o.o iz Bijeljine se na period od pet (5) godina zabranjuje da proširuje postojeće ugovore ili sklapa bilo koje dodatne ugovore ili da na drugi način obavlja dodatne poslove u Brčko Distiktu osim onih koje već obavlja sukladno ugovoru koji je na snazi zaključno sa 05. lipnjem 2009. godine. Ova zabrana se također odnosi na svaku tvrtku koja nastane ili proistekne iz Centurion-a d.o.o., između ostalog promjenom imena ili promjenom upisa zvaničnih vlasnika ili mjestom upisa vlasništva.

5. Policija Brčko Distrikta poduzimat će česte i nasumične inspekcije i kontrole prostorija Centuriona d.o.o i osoblja u Brčkom kako bi bilo zadovoljeno to da se odredbe gorepomenutog stava 4 poštivaju.

6. Ovaj nalog supervizora stupa na snagu odmah i bit će bez odlaganja objavljen u Službenom glasniku Brčko Distrikta.

7. Svi javni zvaničnici u Distriktu preduzet će sve potrebne mjere kako bi osigurali njegovo sprovođenje.

8. Ovaj nalog supervizora objavljuje se na engleskom i službenim jezicima Bosne i Hercegovine. U slučaju nedosljednosti, verzija na engleskom jeziku je mjerodavna za sve namjene.

dr Raffi Gregorian

supervizor za Brčko Distrikt

prvi zamjenik visokog predstavnika